

Dry足10年終脫單

# 伍允龍打機撻着

## 認戀李蔓瑩

47歲武打明星伍允龍曾與鍾嘉欣有過一段地下情，兩人2007年開始交往，至2015年分手，之後伍允龍單身至今。昨日伍允龍宣布脫單，承認與34歲「宅男女神」李蔓瑩拍拖，據知兩人同樣熱愛打機，因而擦出愛火花！


伍允龍一向形象健康，自從與鍾嘉欣分手後都未有再公開新戀情。之後他拍無綫劇《城寨英雄》與劉佩玥傳緋聞，但最後不了了之。專注事業發展的伍允龍終憑《九龍城寨之圍城》「王九」一角打出名堂，他曾透露擇偶條件：「如果女仔鍾意打機會



■李蔓瑩樣靚身材正。lg圖片



■伍允龍與李蔓瑩同樣熱愛打機。



■兩人前晚結伴欣賞林峯演唱會。

加分。」

早前他被拍得與一名女子同遊迪士尼，雖然女方戴口罩，未能看清樣貌，但兩人狀甚親暱。之後伍允龍出席活動時承認陪女方去玩，記者追問是否「戀人未滿，友達以上」，他避談說：「中文好深，唔係幾明。」不過當時他自爆前日會入場欣賞林峯演唱會，問到會否帶女伴睇騷？他說：「睇吓點啦！」

「畀多啲時間空間我哋」

前晚伍允龍現身紅館觀眾席，女伴是

「宅男女神」李蔓瑩(Renee)。兩人全程言談甚歡，Renee更情深望着伍允龍，頻頻被他氹得大笑，儼如熱戀中的情侶。其實兩人已非首次一齊睇騷，上月謝霆鋒在啟德舉行演唱會，兩人被拍得一齊離場。雖然伍允龍與Renee看似大纜扯唔埋，但據知伍允龍拍打機片，需要找一位熱愛打機的女士，於是透過中間人認識Renee，兩人志趣相投，一拍即合。

戀情曝光後，伍允龍昨日大方認愛，承認之前與Renee同遊迪士尼：「各位傳媒朋友大家好，好多謝大家最近嘅關心，尋晚同我一齊出席演唱會嘅，係我女朋友Renee，亦都係較早前一齊去迪士尼玩嘅朋友，最近透過朋友介紹認識開始拍拖，希望嚟緊大家都畀多啲時間同空間我哋，多謝大家！」



■伍允龍與鍾嘉欣的一段情最廣為人知。資料圖片

### 吳雨霏有意復出樂壇

吳雨霏(Kary)與連詩雅等昨日出席首飾品牌活動，提到Kary早前與傳不和的楊愛瑾擔任鄧麗欣(Stephy)演唱會嘉賓，問到是否和好？她表示當日與楊愛瑾有講有笑，問到誰做主動？她說：「唔記得，邊個做主動都唔緊要啦，好難得Cookies 7位成員一齊。」問到可有唱片公司向她招手？她坦言有，但要傾合作模式，因她要照顧家庭，不能似後生般搏殺。她坦言很享受在舞台演出，想過當獨立歌手，但擔心工作量大及資金問題：「不過老公好支持我追夢。」



■吳雨霏承認獲唱片公司招手。

### 軒仔爆林峯有「玩癡癮」

林峯前晚於紅館舉行第6場演唱會，與表演嘉賓張敬軒合唱《馴獸師之王》，全場觀眾興奮尖叫。阿峯表示：「大家應該唔知我同軒仔嘅熟落程度。」軒仔說：「我同阿峯第一個交集，就係佢係我前輩。」引得全場大笑。軒仔再爆料：「我應該係少數……講唔講得嘍？半夜上過你屋企嘅人。」兩人之前屬同一唱片公司，早於十多年前結緣，軒仔笑指阿峯當年已愛玩癡，阿峯解釋只是鍾情傢俬，軒仔說：「我以前上你屋企坐過你啲癡，你啲癡度做過啲乜？」阿峯笑言：「咁我屋企啲癡的確比梳化多。」

經過一輪搞笑互動後，軒仔向阿峯送禮，先是送上「林峯嘅腰封」，之後更拿出為阿峯特別調製的「軒公活絡油」，林峯即向軒仔贈送「飛鷹」回禮。原來軒仔病了幾天，仍堅持到場撐阿峯，之後唱出代表作《櫻花樹下》贏盡掌聲。



■軒仔(左)與林峯不停講笑話，氹得全場大笑。